


二十一史
 彈詞註
 七上



				漢書門
二	一	四	三	
四	一	九	八	
冊	架	函	號	類

內閣文庫			
元	五		漢
〇	三		
一	二	一	容
八	四	八	
架	冊	號	類

內閣文庫		
番號	漢	5138
冊數	24 (10)	
函號	290	13



廿一史彈詞註卷之七

成都楊慎用修編著

漢陽張三異禹木增定

淺草文庫

男仲璜別麓註 曾孫任佐較刊

第七段 說隋唐二代 臨江仙

一片殘山并剩水 年年虎鬪龍爭 秦宮漢苑晉家營 川源流恨血 毛髮凜威靈 白髮詩人閒駐馬 感時懷古傷情 戰場田地好寬平 前人將不去 留與後人耕

詩曰

九里山前作戰場 牧童拾得舊刀鎗 烏江流水潺潺響 彷彿虞姬哭霸王

霸王烏江血未乾長陵樹老朔風寒千年暗草埋金
谷幾輩征夫老玉關去鳥銷沉雲漠漠野花零落水
潺潺豪華一去無踪跡留得虛名紙上看

廣坐休將詩漫講當場再把話評論要知古往今來
事須問玲瓏剔透心萬卷詩書曾著意十年窗下苦
勞心編成忠孝賢良傳寫就欵欵感歎文濟濟堂堂
誇好漢轟轟烈烈顯功名凌雲壯氣冲牛斗對月高
歌泣鬼神山雨洗青千古恨海風吹醒萬年魂脣鎔
嚇破奸邪膽舌劔恢宏壯烈人玉軫頻調諧妙韻冰
絃細撥奉知音知音肯共梅窗月一曲梅花字字真
昨來說至五胡擾亂總是翻雲覆雨今日把隋唐故典

看怎生作浪興風

隋者文帝楊堅其父楊忠周靜帝之臣官封隋國公死
後堅嗣爵其女乃靜帝之母楊堅乃靜帝外公篡了外
孫寶位是為隋

文帝改元開皇至九年已酉南取陳後主并天下為

一統開皇 仁壽傳
在位二十四年

煬帝大業在

恭帝義寧在

凡三主三十八年唐公李淵奪之而隋亡

唐者唐公李淵初為晉陽留守後受隋恭帝禪稱唐

高祖武德在傳之 太宗貞觀在位
位九年 二十三年

高宗 永徽 顯慶 龍朔 麟德 乾封 總章
咸亨 上元 義鳳 調露 永隆 開耀

永淳 宏道 在位二十四年
中宗 嗣聖 廢居房州十四年 召還東宮又七年

武后 先宅 垂拱 改唐為周 天授 如意 長壽 萬歲 通天 聖歷 久視 中宗 賴狄張復位反周為

大足 長安 又十四年 睿宗 景雲 太極 在位二年

唐 神龍 復位 五年 傳 安史擾亂 乾元 上元 傳

元宗 開元 天寶 在位四十四年

肅宗 靈武即位 恢復兩京 寶應 乾元 興元 貞元 傳

代宗 廣德 永泰 大德 建中 在位十七年

順宗 永貞 在位一年 憲宗 元和 在位十五年

穆宗 長慶 在位四年 敬宗 寶歷 在位二年

文宗 太和 開成 在位十三年 武宗 會昌 在位六年

宣宗 大中 在位十三年 懿宗 咸通 在位十四年

僖宗 乾符 廣明 中和 光啟 在位十五年

昭宗 龍紀 大順 景福 乾寧 光化 天復 天祐 在位十六年

哀宗 天祐 在位三年

共二十一主享國二百八十九年而朱温滅之是為梁朝

隋煬帝之末天下有六十四處烟塵十八處改年建號今略題大槩說簡始末因繇

隋文帝強奪了外孫寶位

隋高祖文帝姓楊名堅宏農華陰人父忠仕魏及周封隋公堅襲爵進為王堅女為周宣帝贊后及宣帝子靜帝立是為堅外孫堅以太后父秉政遂弒靜帝奪周祚稱市

八年來興士馬大舉平陳

開皇八年文帝大舉伐陳以子晉王廣清河公楊素為行軍元帥以高穎韓擒虎賀若弼等分道並進若弼自廣陵濟江擒虎自橫江宵濟陳綠江諸戍望風盡走清河縣名屬廣平府廣陵縣名今廢入江都縣故址在揚州府北一十八里橫江浦在和州界對江南之采石往來濟渡處楊素字處道高穎字昭立人

陳後王被擒來稱臣頰首

若弼敗陳師於蔣山獲其將蕭摩訶擒虎入建業陳後主叔寶投於井軍人以繩引出執送長安獻俘太廟封叔寶為長城公蔣山即江寧鍾山

捲江東包宇宙一統乾坤

滅梁平陳席捲江東混一南北至此天下一統

躬節儉省差徭叛降不納

帝躬履節儉乘輿服御破敝者隨令補用自非宴享所食不過一肉後宮皆服澣濯之衣又制人年五十免役收庸輕徭薄賦先陳郢州城主張子璣叛陳以降帝弗納吐谷渾太子訶叛父請降帝曰父有過失子當諫諍豈可潛謀非法鬼王既欲歸朕朕唯教鬼王為臣子之法亦弗納郢州劉宋所置今為武昌府即湖廣省訶吐谷渾太子名封鬼王

制義倉勤聽政果斷剛明

度支尚書長孫平奏令民間每秋家出粟麥一石貧富為差以備凶年名曰義倉帝從之帝勤於政事每旦聽朝日昃忘倦性尤嚴重令行禁止革弊隆政果斷剛明

只可惜暗託付獨孤謀誤

退勳臣易太子轉眼無恩

帝與后獨孤氏甚相愛后性妬忌帝寵憚之后見朝士及諸王有妾孕者必勸帝斥之初尉遲迥女孫有美色帝幸之后陰殺之帝怒單騎入山谷高穎諫曰陛下豈以一婦人而輕天下后聞頗謂已為一婦人

街之會類妾生男后諷帝黜退之太子勇多內寵妃元氏薨后意太子愛妾雲氏害之心彌不平遣人伺求勇過晉王廣知之彌自矯飾後庭有子皆不育后由是數賢廣廣自揚州入朝將還鎮入宮辭后伏地流涕曰臣不知何罪失愛東宮恒蓄盛怒欲加鳩害后忿然曰我在尚爾我死後當魚肉汝矣遂數譖勇帝由是廢太子勇立廣為太子後帝寢疾召廣入居殿中廣預擬帝不諱後事為書問僕射楊素素條列事狀以報宮人誤送帝所帝覽之大恚帝所寵陳夫人侍疾旦出更衣為廣所逼拒之得免帝怪其神色有異問故夫人泣然曰太子無禮帝抵牾曰畜生何足付大事獨孤誤我顧氏曰楊堅牽制婦人至其晚年暗於付託文

生長下惡冤家凶神逆子

到頭來遭獍食死不明

帝知廣不足付大事乃呼尚書柳述侍郎元巖曰召我兒述等將呼廣帝曰勇也述巖出閣為救書楊素聞之白廣矯詔執述等繫獄令右庶子張衡入殿侍疾盡遣後宮出就別室俄而帝崩中外頗有異論之

隋煬帝不成才兇強惡劣

煬帝文帝第二子後追謚曰煬捷錄曰嗣政以來殺戮濫加虐焰大張九州為爐致天下沸湧灼爛號呼騰踏莫有救止謚法好內遠禮曰煬

殺親兄烝庶母犬豕存心

帝矯稱高祖之詔賜兄故太子勇死文帝妃陳氏為宣華夫人文帝崩廣遣使者封小金盒賜夫人夫人以為為鴆毒懼甚發之乃同心結也夫人恚而却坐不肯致謝諸宮人共逼之乃拜使者其夜廣遂烝焉又文帝妃蔡氏容華夫人自請言事亦為廣所烝

大寶殿弑親爺稱尊即位

初廣侍疾於大寶殿令張衡入侍文帝遂崩後大業八年殺張衡臨刑大言曰我為人作何等事而望久活監刑者塞耳促令殺之觀此則廣之殺父無疑矣

倚富強矜智勇恣意荒淫

自開皇仁壽以來倉庫盈溢國富兵強煬帝承藉餘緒慨然慕秦皇漢武之事侈靡土木無所不為荒淫無度造有迷樓御女車等事

悅女色縱奢華泥沙錦繡

帝恣意女色宮掖不可勝計嘗詔淮南等處閱視民間女子姿質端麗者每歲貢之又築西苑其內為海內緣渠為十六院每院以四品夫人主之堂殿樓觀窮極華麗宮樹秋冬彫落則剪綵為花葉綴於枝條色渝則易以新常如陽春龍舟皆以錦綵為袍又或以繒帛纏樹淮南即今揚州

弄刀兵貪土地蠹螿人民

煬帝狹殷周之制度尚秦漢之規模驕怒之兵屢動土木之功不息頻出朔方三駕遼左旌旗萬里徵稅百端人不堪命自是海內騷然邵康節作隋詩曰蠹蟻人民貪土地泥沙金帛悅姬姜朔方今陝西寧夏衛遼左即遼東邵康節名雍字堯夫諡康節范陽人流寓河南富弼司馬光治第留之扁其室曰安樂窩號安樂先生

廣倉廩築長城勞煩百姓

置洛口倉築倉城周二十餘里又置回洛倉於洛陽北七里築倉城周十里發丁男百餘萬築長城西距榆林東至紫河尋更自榆谷而東又復築之百姓死徙者遍道路洛口倉在河南府鞏縣西煬帝聚粟於此榆林隋初置榆林縣後改為郡故城在大同府城西五百里紫河在大同府城北秦始皇北築長城西四百二十里長城在臨洮府城北秦始皇北築長城西四百二十里長城即此處榆谷在臨洮府蘭縣西一百里有大小榆谷

開汴河實苑囿蓋造宮庭

發河南諸郡男女百餘萬開通濟渠自西苑引穀洛水達於河自板渚引河入汴引汴入泗以通於淮又發河北男女開永濟渠引沁水南達於河北通涿郡命封德彝等營顯仁宮發大江以南五嶺以北奇材異石輸之洛陽又求海內嘉禾異草珍禽奇獸以實苑囿自長安至江都置離宮四十餘所通濟渠即汴河故道一統志云其源舊自開封府滎陽縣東經東城內又東合蔡河名荈菈渠又名通濟渠東注泗州下入於淮累因河決其蔡河湮滅無迹而汴河自府西中牟縣入黃河矣穀洛淮泗皆水名汴河名河

北黃河之北也永濟渠在東昌府館陶縣西二里漢名屯氏河隋疏為永濟渠亦曰御河源自衛輝府輝縣東北流至臨清與會通河合流入海沁水源出沁州源縣綿山穿太行達濟源經武陟入黃河顯仁宮在河南府洛陽縣阜澗江都縣名屬揚州府離宮天子出遊之宮也

跨遼海討高麗勞民動衆

徵高麗王入朝不至裴矩說帝討之帝詔幽州總管元宏嗣往東萊海口造船三百艘官吏督役晝夜立水中自腰以下皆生蛆徵天下兵會於涿凡一百一十一萬三千八百八十人旌旗蔽千餘里載兵甲及攻取之具往還者常數十萬人死者相枕歷遼東跨大海自將討之如是者三高麗城守不下諸軍將多覆沒後徵兵每失期不至高麗亦困敝乞降乃止仍徵高麗王元入朝元竟不至天下騷動始相聚為羣盜幽州今順天府東萊今萊州府涿今涿州

造龍舟恣遊賞北狩南巡

遣侍郎王宏等往江南造龍船及襍船數萬艘每御龍舟挽士八萬餘人南幸江都舳舻相接旌旗蔽野

又數北狩朔方歷榆林雲中泝金河突厥啟民可汗奉廬帳以俟車駕帝幸具帳啟民奉觴上壽帝賦詩曰呼韓稽顙至屠者接踵來何如漢天子空上單于臺金河一統志云在大同府古雲內州東南一百五十五里西流入天瑞治呼韓邪屠者皆單于之號其俗謂賢曰耆突厥北夸國名

勤採獵取鷹師論千撥萬

勤於遊獵連谷隴西拔延山等處長圍周二千里又徵天下鷹師悉集東京至者萬餘人東京場帝以洛陽為東京尋改東京為東都

聚音樂陳百戲誇耀番人

初突厥啟民可汗入朝帝大徵散樂以誇之後諸番來朝畢集洛陽陳百戲於端門執絲竹者萬八千人自昏達旦終月而罷所費鉅萬歲以為常百戲有魚龍爛設俳優侏儒山車巨象板井種瓜殺馬剥驢等奇怪異端百有餘物故名

惡毒氣廣熏蒸普天之下

反名兒張掛徧率土之濱

李密檄煬帝十罪云普天之下率土之濱天地難容人神嗟憤書罪無窮流惡難盡三河縱封豕之貪四海被長蛇之毒

民心變起烟塵六十四處

是時天下大亂盜賊蜂起凡六十四處

知世郎王簿者倡首山東

鄒平民王簿擁眾長白山剽掠齊濟之郊自稱知世郎言事可知矣鄒平縣名屬山東濟南府長白山在濟南府長山縣西南三十里山跨鄒平縣一十里又名會仙山齊今濟南府濟寧州

張金稱高士達因而聚眾

鄒人張金稱聚眾於河曲蔣人高士達聚眾於清河縣名故城在河間府景州城內清河隋縣名今東昌府武城縣

孫安祖劉霸道發怒生嗔

孫安祖漳南人竇建德集無賴少年數百人使安祖將之入高雞泊中為盜平原東有豆子航羣盜多匿其中多有劉霸道者家於其旁喜俠食客常數百人遠近多依之有眾十餘萬號阿勇賊漳南漳水之南也漳水在順德府平鄉縣西南高雞泊在大名府界平原縣名屬濟南府豆子航地名在平原縣東阿勇賊之號航音剛上聲

竇建德苗海潮東西響應

渤海竇建德起兵漳南自稱長樂王下邳苗海潮聚眾為盜後附杜伏威渤海今河間府滄州長樂今真定府冀州下邳今淮安府邳州

郝孝德孫宣雅遠近傳聲

平原郝孝德渤海孫宣雅各聚眾十萬與王簿等結連

吳朱燮晉管崇江東舉事

吳人朱變為崑山縣博士與數十學生起兵民苦役者赴之如歸晉陵人管崇羣盜奉之時帝在涿郡命虎牙郎將趙六兒屯揚子以備南賊崇遣將陸顛襲破之眾至十萬吳今蘇州府崑山縣屬蘇州府晉儀真縣西經通泰二州入於海

杜伏威輔公祐准楚稱兵

章邱杜伏威與臨濟輔公祐為刎頸交俱亡命為羣盜轉掠淮南諸郡據歷陽伏威僭號吳王章邱縣名屬濟南府臨濟今青州府臨淄縣歷陽今江南和州

王須拔魏刁兒剪滅燕趙

上谷人王須拔起兵平恒自稱漫天王國號燕賊帥魏刁兒自稱歷山飛北連突厥南寇燕趙上谷今保安州燕今順天府趙今真定府趙州

甄翟兒扶助起殘害人民

甄翟兒初為魏刁兒部將所至殘害後復號歷山飛轉寇太原

郭方預孟海公各誇英勇

北海人郭方預自號盧公攻陷郡邑濟陰人孟海公據周橋見人稱引書史輒殺之北海隋郡名今青州府濟陰今兗州府曹州

燕格謙齊孟讓儘力橫行

渤海賊帥格謙據豆子崑自稱燕王齊人孟讓自長白山寇掠諸郡至盱眙衆十餘萬據都梁宮盱眙縣名屬鳳陽府都梁宮在盱眙縣西南三里今名都梁臺遺址尚存

楊元感益招呼蒲山李密

楚公楊元感素之子煬帝征高麗命元感於黎陽督運遂舉兵反蒲山公李密初為左親侍至是元感以密為謀主引兵向洛陽隋屈突通擊之元感敗死密亡匿後翟讓起兵推密為主號魏公蒲山縣名未詳處所惟嘉興府平湖縣東南三十里有蒲山瀕海黎陽今大名府濬縣魏郡名今大名府

太原公擁掇起留守唐公

單詞注卷七

隴西成紀人李淵父昝仕周封唐公淵襲爵為太原
留守子世民說淵曰主上無道百姓困窮不若順民
心以興義兵淵大驚曰汝安得為此言明日世民又
說之晉陽令劉文靜說宮監裴寂勸淵舉兵寂謂淵
曰二即陰養士馬欲舉大事眾情已協公意何如淵
然為司馬許世緒司鎧武士護皆共勸淵乃使文靜
詐為敕書發太原等郡民年二十已上為兵擊高
遠近赴集遂殺副留守王威高君雅事天子為太上
皇立代王侑為帝移檄郡縣成紀今鞏昌府秦州

史萬寶李仲文長安接應

何潘仁邱師利整眾相從

向善志力扶持孫華彭舞

淵壻柴紹赴太原李氏歸鄠縣別墅散家貲聚徒
眾淵從弟神通亦在長安亡入鄠縣山中與長安大
俠史萬寶等起兵應淵西域商胡何潘仁入司竹園
為盜李氏使其奴馬三寶說潘仁就神通合勢攻鄠
縣下之李氏又使三寶說羣盜李仲文向善志邱師
利皆從之馮翊人孫華聚眾數萬最強亦附焉為是

關中羣盜悉降於淵鄠縣屬西安府司竹園在
西安府盩厔縣東周迴百里馮翊今西安同州

梁師都煽惑起薛舉稱秦

朔方郎將梁師都殺郡丞據郡反稱帝國號梁金城
校尉薛舉起兵金城自稱西秦霸王攻陷隴右諸郡
後稱秦帝徙據天水金城隋郡名今
陝西臨洮府蘭州天水今鞏昌府秦州

王德仁劉苗王喧呼北地

王德仁起兵於鄴擁眾保林慮山自號太公離石胡
劉苗王自稱天子以其弟六兒為永安王眾至數萬
林慮山一作隆慮山在彰德府林縣西北二十五
里離石地名在太原府劉淵嘗都於此苗王淵之裔
故曰離石胡

母端兒敬盤陟叫喊龍門

賊帥母端兒擁眾據龍門帝召李淵討之敬盤陟為
絳郡賊帥李淵亦擊降之龍門今平陽府河津縣
絳郡今平陽府絳州

左才相李子通依山據海

左才相起兵齊郡僭號博山公東海賊帥李子通起
兵海陵自號楚王寇江都後稱吳帝 東海隋郡名
今淮安府海州海陵今揚州府泰州

沈柳生梁蕭銑打開江陵

巴陵校尉董景珍等據郡叛以羅川令蕭銑梁室之
後迎奉之甫募兵會穎川賊帥沈柳生寇羅川銑與
戰不利因謂眾曰巴陵豪傑欲奉吾為主若從其請
可以中興梁祚以此召柳生亦當從我矣乃改隋服
色旗幟皆如梁舊柳生即帥眾從之進克江陵遂稱
梁王 巴陵縣名屬岳州府羅川隋縣名今慶陽府
真寧縣

劉武周郭子和山西結黨

馬邑校尉劉武周殺太守王仁恭北連突厥翊衛郭
子和亦起兵於榆林自號永樂王北赴突厥始畢以
武周為定楊天子子和為平楊天子子和固辭乃更
以為屋利設 馬邑縣名屬大同府永樂今保定府

滿城縣屋利設突厥俗謂別部
典兵者曰設屋利乃一設之號

林士宏操師乞江廣憑陵

鄱陽賊帥操師乞自稱元興王攻陷豫章郡以其鄉
人林士宏為大將軍帝以治書侍御史劉子翊討之
殺師乞士宏代統其眾攻殺子翊自稱帝國號楚比
自九江南及番禺皆為所有 鄱陽縣名屬江西饒
州府豫章今江西南昌府九江今江
西九江府番禺縣名屬廣東廣州府

徐世勣王伯當滎陽抄掠

王當仁周文舉鞏洛崢嶸

翟讓起兵離狐徐世勣年十七說讓曰滎陽梁郡汴
水所經剽行舟商旅足以自資讓然之引眾入二郡
界掠公私船時又有濟陽王伯當外黃王當仁韋城
周文舉皆擁眾為盜李密說之皆附於讓進攻滎陽
殺通守張須陁 離狐縣名故城在兗州府曹縣界
內滎陽縣名屬開封府濟陽縣名故城在兗州府曹
縣西南五十里外黃縣名故城在開封府杞縣東
北韋城縣名故城在大名府滑縣東南五十里

劉元進沈法興聚朋江表

餘杭劉元進起兵據吳郡朱燮管崇等推為天子吳興太守沈法興起兵據江表十餘郡稱王毘陵餘杭縣名屬杭州府吳興今湖州府毘陵今江南常州府

左孝友盧明月發恨齊東

齊郡賊左孝友眾十萬屯蹲狗山涿郡賊盧明月眾十餘萬軍祝阿蹲狗山未詳處新祝阿今兗州府東阿縣

楚朱粲楊士林互相攻討

城父朱粲始為縣左史聚眾為盜謂之可達寒賊自稱迦樓羅王引兵掠荆沔及山南郡縣所過唯類無遺淮安土豪楊士林起兵攻粲敗奔菊潭士林帥漢東四郡降唐以為顯州道行臺城父故城在鳳陽府亳縣東南七十里荆沔今荆州沔今湖廣沔陽州菊潭在南陽府內鄉縣西北顯州今南陽府泌陽縣

裴長才白瑜娑嘯聚山林

賊帥裴長才眾二萬與王簿孟讓等結連進攻章邱靈武白瑜娑劫牧馬連突厥隴右謂之奴賊靈武隋郡名故城在陝西寧夏衛城南

李公逸單雄信糾合翟讓

韋城翟讓為東郡法曹坐事當斬亡命於瓦岡為羣盜單雄信聚少年往從之雍邱盜李公逸亦附焉後據興樂倉擊敗東都兵推李密為魏公

王世充乘勢反占了東京

王世充西域胡人姓支氏父收幼從母嫁王氏遂冒其姓煬帝以世充為江都官監後輔越王侗於洛陽為僕射世充自稱鄭王尋弒侗稱帝據東京

高開道起漁陽日稱燕主

高開道格謙部將謙死開道收餘眾後據漁陽自稱燕主漁陽今順天府薊州

宋金剛與易水自在縱橫

宋金剛起兵易州為竇建德所敗降於劉
武周武周號曰宋王 易州屬保定府

涼李軌自稱王河西據土

武威司馬李軌起兵河西自稱涼王攻陷張掖燉
煌西平抱罕盡有河西五郡 河西即今甘肅鎮

徐圓朗居海島陷了東平
魯郡徐圓朗攻陷東平郡遂據兗州并有海

虎賁郎名羅藝幽州抗命

虎賁郎羅藝起兵涿郡殺渤海太守唐禕等柳城懷
遠並歸之藝自稱幽州總管 柳城故城在永平府
城西二十里 懷遠鎮名

守新鄉劉黑闥背主降人

劉黑闥漳南人與竇建德善後事王世充常竊笑其
所為世充使守新鄉黑闥遂降建德署為將軍 新
鄉縣屬 衛輝府

辛未歲為饑荒干戈亂起

大業七年辛未煬帝征高麗死者相枕民生計無遺
加之饑饉采樹皮葉或擣藁煮土而食之諸物皆盡
乃自相食相 聚為羣盜

丙子年隋煬帝遊幸蕪城

大業十二年丙子帝如江都以越王侗留守任崇崔
民象王受仁等以盜賊充斥不宜遊幸上表極諫皆
殺之遂幸蕪城復營宮室自是不復返東都矣 蕪
城即古邗溝城吳王濞故都後荒蕪鮑昭作蕪城賦
鮑昭字明遠杜詩所謂俊逸鮑
參軍也今黃梅縣治即昭宅

丁丑年十二處改稱年號

按煬帝大業十三年丁丑改年號者止八處恭帝侑
義寧元長樂王竇建德丁丑魏公李密元定楊可
汗劉武王大興元梁王師都永隆元秦王薛舉秦
興元梁王蕭銑鳴鳳元楚帝林士宏太平二年至戊
寅又改元者四後恭帝侗皇泰元唐高祖武德元涼
王李軌安樂元楚王朱粲昌達元兩年改號共十一

處

李世民十八歲舉義興兵

李世民唐公淵之第二子年十八見隋室方亂陰有安天下之志傾身下士散財結客劉文静見而異之謂裴寂曰此人雖少命世才也世民就文静計乘間說淵舉義淵大驚世民曰天時人事如此願大人勿疑淵乃歎曰汝言亦大有理今日破家亡軀由汝化家為國亦由汝矣遂起兵太原

扶立起老令公大唐高祖

李淵起兵後立隋代王侑為帝淵自為大丞相封唐王以武德殿為丞相府改教稱令及煬帝被弒淵遂受隋恭帝禪稱皇帝國號大唐是為唐高祖

據長安平禍亂濟世安民

淵起兵太原遣世民擊西河郡拔之尋取霍邑進圍河東世民說淵西趣長安乃留諸將圍河東自引兵而西世民狗渭北吏民及羣盜歸之如流遂進克長安悉除隋苛禁約法十二條初世民年四歲有書生

見而異之曰龍鳳之姿天日之表其年幾冠必能濟世安民故採其語名曰世民 西河隋郡名今山西汾州霍邑今平陽府

霍州河東今平陽府

戊寅年隋煬帝江都遇害

宇文家冤業報化及行兇

戊寅恭帝侑之義寧二年也煬帝在江都荒淫益甚見天下危亂退朝則幅巾短衣徧歷臺閣汲汲顧景惟恐不足常仰視天文謂蕭后曰外間大有人圖儂然且共樂飲耳引鏡自照曰好頭頸誰當斫之后驚問故帝笑曰貴賤苦樂更迭為之亦復何傷見中原已亂無心北歸乃命治丹陽宮將徙都之時從駕驍果多關中人思歸郎將司馬德戡裴虔通等共謀亡去以告將作少監宇文智及因請以智及兄許公化及為主乃召驍果夜自元武門入帝聞亂易服逃於西閣虔通等入永巷問陛下安在美人出指之校尉令狐行達拔刀直進扶帝下閣勒兵守之至旦虔通逼帝出宮化及曰何用持此物出亟還與手於是引帝還至寢殿虔通等露刃侍立帝曰今日之事孰為首耶德戡曰溥天同怨何止一人帝遂遇害初文

帝篡宇文氏之天下盡滅其族而其子孫終見弑於宇文氏之手冤業之報信不爽也 亟還與手謂急引還與下手弑之也

趙王杲可憐兒長號見殺

趙王杲煬帝愛子時年十三化及作亂杲在帝側號慟不已裴虔通斬之血滿帝衣

大麻繩細頸下送了三魂

化及欲弑帝帝曰天子死自有法何得加以鋒刃取鳩酒來賊黨馬文舉不許使令狐行達縊殺之蕭后令宮人撒牀簣為棺以埋之

拋撇下兩孤孫權臣侮弄

煬帝三孫代王侑燕王倓趙王侗皆元德太子昭之子也倓為化及所害李淵入長安立侑為帝後禪位於唐封儁國公是為恭帝王世充輔侗於東都世充篡位封為潞國公後裴仁基等謀誅世充事世充齋鳩詣侗侗布席禮佛曰從今以往願不生帝王家飲藥不能絕縊殺之偽謚為恭帝 儁今東平儁亭

是潞今山西潞州

四十年隋社稷化作灰塵

隋自文帝至恭帝共三十八年禪於唐而隋亡

唐高祖創業成李家天下

時方士言楊氏將滅李氏當為天子唐公李淵承亡隋之敝受恭帝禪即位是為高祖神堯帝後武后時蘇安恒疏言天下者高祖太宗之天下也陛下貪其寶位而忘母子深恩將何顏見唐家宗廟臣以為天意人事還歸李家太后亦不罪

小秦王佐乃父打就乾坤

李世民年十八勸父舉義高祖即位爵封秦王時軍中號為小秦王顧氏曰太宗以不世出之英主首建大謀佐父削平海內尺土寸基皆其功也又曰六年之間定宅九圍何成功之速哉蓋以太宗為之子也

縛建德降世充親掇甲冑

帝命秦王督軍伐鄭主王世充屯於北却屈突通引兵至世充戰敗秦王遂圍洛陽世充求救於夏王竇建德建德救之郭孝恪謂秦王曰世充窮蹙建德遠來助之此天意欲兩亡之也秦王中分麾下使屈突通守東都自將驍勇趣武牢北濟河南建德悉眾出牛口秦王率輕騎直薄其陳建德中禦楊武威逐之建德墜馬武威擒之囚至洛陽以示世充世充諸將曰吾所持者夏王今已被擒雖得出將必無成世充遂降秦王選精銳千騎皆皂衣元甲分爲左右使尉遲恭秦叔寶將之每戰秦王自被元甲帥之以爲前鋒所向摧敗敵人畏之鄭今開封府鄭州北却山名在河南府城北一十里山連偃師鞏孟津三縣綿亘四百餘里東漢諸陵及唐宋名臣墳多在此東都即洛陽武牢即虎牢關牛口峪名在真定府臨城縣西二十五里

破武周擒仁杲自運戈兵

定楊可汗劉武周攻并州晉陽王豪薛深開城納之齊王元吉奔長安關中大震帝欲棄大河以東謹守關西秦王曰太原王業所基河東殷實願假精兵三萬必復汾晉帝乃發關中兵使擊之秦王與武周將

宋金剛相持金剛食盡北走秦王追及金剛將尋相於呂州大破之乘勝逐北一晝夜行二百餘里戰數十合追及金剛於雀鼠谷一日八戰皆破之秦王不食者二日不解甲者三日金剛將尋相尉遲敬德悉降武周聞金剛敗棄并州走突厥金剛走死并州悉平仁杲薛舉之子舉卒仁杲襲位爲秦王攻唐涇州秦王擊破之進至高塘仁杲使宗羅睺拒戰秦王引大軍自原北出其不意羅睺大潰秦王率二千餘騎追之圍其城仁杲計窮出降斬之并州今太原府汾今山西汾州晉唐初州今平陽府呂州隋初所置故城在平陽府霍州西五里雀鼠谷在汾州介休縣西南二十一里涇州屬平涼府高塘地名在隴西原北淺水原之北也

行戰討掃烟塵一十四載

秦王起兵時年十八至即位年三十一歷戰討以定天下者凡一十四年

攻堅城陷強敵幾度勞心

凡攻城陷陣秦王身先士卒謀畧無比所向皆克

用人物總賢才房謀杜斷

帝以秦王為天策上將開館以延文學之士杜如晦
房元齡等共十八人為學士秦王使如晦參謀帷幄
軍中多務剖決如流每克城諸將爭取寶貨元齡獨
收采人物置之幕府後秦王即位並以為僕射兩人
引拔士類常如不及帝每與元齡謀事必曰非如晦
不能決及如晦至卒用元齡之策元齡善謀如晦善
斷同心狗國故唐世稱賢相者推房杜焉如晦字
克明封萊國公杜陵人元齡字喬孫世居臨淄諡文
昭

尉遲恭秦叔寶慣戰能爭

尉遲敬德先為宋金剛將善避稍每單騎入賊羣刺
之不能傷金剛敗敬德遂降後金剛降將多叛去諸
將疑敬德囚之秦王引內賜之金曰丈夫夫意氣
相期必欲去者以此金相資已而秦王以五百騎行
戰地世充帥騎萬餘圍之單雄信引槊直趣秦王敬
德躍馬大呼橫刺雄信墜馬翼秦王出世充敗走秦
王謂曰公何相報之速也建成以書招之贈金四一
車固辭秦王曰公心如山岳雖積金至斗豈能移之

臨湖殿舉干戈三王定統

從討竇建德王世充劉黑闥功居多以功累封鄂國
公初世充以秦叔寶為將軍叔寶疾其多詐會世充
與唐兵戰於九曲叔寶遂降秦王厚禮之以為總管
從征戰有功累官左武衛大將軍封胡壯公九曲
地名在隴西尉遲恭字敬德
馬邑人秦叔寶名瓊歷城人

帝以子建成為太子世民為秦王元吉為齊王建成
喜酒色遊畋元吉多過失皆無寵秦王功名日盛建
成內不自安與元吉協謀欲共害之密請殺秦王秦
帝再經天傳奕奕密奏太白見秦分秦王當有天下帝
以其狀授秦王因密奏建成元吉淫亂後宮且曰
臣於兄弟無絲毫負今欲殺臣以為世充建德報仇
帝驚報曰明當鞠問汝宜早發明日秦王帥長孫無
忌等伏兵於元武門張嬖好竊知秦王表意馳語建
成召元吉謀之元吉曰宜勒兵不朝以觀形勢建成
曰兵備已嚴當俱入參自問消息乃俱入至臨湖殿
覺有變欲還秦王追射建成殺之尉遲敬德射元武
吉於是東宮齊府將帥薛萬徹等率眾大至攻元武
門敬德以二人首示之乃散去帝方泛舟海池秦王

軍同注卷七

七

使敬德環甲持矛直至上所奏曰太子齊王作亂秦
王兵已誅之矣恐驚動陛下遣臣宿衛衛謂裴寂等
曰不圖今日乃見此事蕭瑀陳叔達曰建成元吉疾
秦王功高共為奸謀今秦王已討而誅之陛下若處
以元良無復事矣帝乃召秦王撫之秦王跪吮帝乳
號慟久之遂立為皇太子軍國庶事悉委太子處決
然後聞奏建成元吉諸子皆
坐誅無忌字輔幾洛陽人皆

老糊塗無決斷同氣相刑

初秦王勸帝起兵帝曰事成當以汝為太子及即位
不立世民而立建成後建成忌之私使慶州都督楊
文幹募壯士以圖世民文幹反帝召世民曰文幹事
連建成恐應之者眾汝宜自行還立汝為太子吾不
能效隋文帝自誅其子當封建成元吉與妃嬪更迭為
不能事汝取之易耳世民既行元吉與妃嬪更迭為
建而成請帝意遂變遣建成還守京師惟責以兄弟不
睦而止後秦王與太子嫌隙益深以洛陽形勝之地
欲出保之帝謂世民曰首建大謀皆汝之功吾欲立
汝為嗣汝固辭且建成年長為嗣日久吾不忍奪也
觀汝兄弟似不相容不可同處當遣汝居洛陽自成
以東皆主之仍建天子旌旗如漢梁孝王故事建成

恐秦王至洛陽不可復制不如留之長安一匹夫耳
乃密令人上封事帝遂止房元齡謂長孫無忌曰莫
若勸王行周公之事以安國家遂有六月四日臨湖
之變司馬公曰高祖所以有天下皆太宗之功隱太
子以庸劣居其右地嫌勢逼必不容卒為羣下所
迫遂至蹠血禁門推刃同氣惜哉慶州今陝西慶
陽府蹠履也謂殺人血流履涉
之也建成後追封為隱太子

唐太宗登寶位神文聖武

武德九年六月高祖立世民為皇太子即自稱太上
皇詔傳位太子世民固辭不許八月太子即位是為

太宗文
武皇帝

璜按史載明皇八年太白山人李渾上言見神人言
金星洞有玉板石記聖主福壽之符命王鉞求獲之
帝以符瑞上高祖謚曰神堯太宗曰文武羣臣請上
明皇尊號曰開元天地大寶聖文神武應運皇帝今
以太宗稱神文
聖武考無所據

舉讐臣放怨女發政施仁

單同注卷七

七

初建成太子中允王珪洗馬魏徵常勸建成早除秦
王及建成敗帝詔徵謂曰汝何為離間我兄弟徵對
曰先太子早從徵言必無今日之禍帝改容禮之引
為詹事主簿亦召王珪於雋州以為諫議大夫後帝
宴羣臣於丹霄殿長孫無忌曰王珪魏徵昔為仇讐
不謂今日得同此宴帝曰徵珪盡心所事故我用之
帝即位初得同此宴帝曰徵珪盡心所事故我用之
李百藥言往雖出宮女三千人無用者尚多帝又簡出三千
餘人雋州本西南夷人無用者尚多帝又簡出三千
珪字叔玠初縣人魏徵字元成下曲陽人

興學士講經書招賢納諫

帝置宏文館聚四庫書二十餘萬卷選天下文學之
士虞世南褚亮姚思廉歐陽詢蔡允恭蕭德言以本
官兼學士令更日宿直聽朝之隙引入內殿講論前
言往行商確政事或至夜分罷帝求賢若渴納諫
如流宏文館在西安府治東北五里世南字伯施
餘姚人褚亮字希明錢塘人思廉武康人歐陽詢字
信木臨湘人
德言字文行

輕差徭薄稅斂惜愛生靈

帝愛養百姓輕徭薄稅
且賑恤蠲租屢見舉行

罷鷹犬吞蝗蟲人心頂戴

帝縱禁苑鷹犬罷四方貢獻畿內蝗帝入苑中見蝗
撮數枚祝之曰民以穀為命而汝食之寧食吾之肺
腸遂吞之是
歲蝗不為災

盜賊消糧食賤海內昇平

帝與羣臣論止盜或請重法以禁之帝曰朕當去奢
省煩輕徭薄賦選用廉吏使民衣食有餘則自不為
盜安用重法耶自是數年之後天下大稔斗米
不過三四錢海內昇平路不拾遺商旅野宿焉

同漢高符魏祖的真英主

初晉陽令劉文靜見世民謂裴寂曰此非常人豁達
類漢高神武同魏祖後高祖使李密迎世民於幽州
密一見驚服私謂殷開山曰真英主也不如是何以
定禍亂乎文靜武功人裴寂蒲州人開山鄆縣人

畫凌烟圖王會彪炳丹青

帝圖功臣於凌烟閣趙公長孫無忌河間元王孝恭
萊成公杜如晦鄭文貞公魏徵梁公房元齡申公高
士廉鄂公尉遲敬德衛公李靖宋公蕭瑀褒忠壯公
段志元夔公劉宏基蔣忠公屈突通鄭節公殷開山
譙襄公柴紹邳襄公長孫順德鄭公張亮陳公侯君
集鄉襄公張公謹盧公程知節永興文懿公虞世南
渝襄公劉政會公唐儉英公李世勣胡壯公秦叔
寶二十四人時遠方諸國朝貢者甚衆中書侍郎顏
師古請作王會圖以示後從之凌烟閣在西安府
城中唐之西內太極殿之東士廉名儉李靖字藥師
三原人蕭瑀字時文志元臨淄人柴紹子嗣昌順德
無忌子公謹字宏慎繁水人君集三水人世勣字懋
功曹州人本
姓徐賜姓李

大體段好規模高出千古

歐陽修謂帝除亂比湯武致治幾成康尹氏曰太宗
武定亂畧文致太平論功較德直與古帝王並驅爭
先

就中間剛扭捏不滿人心

舉大事自卑微劫父臣虜

高祖初爲太原留守與宮監裴寂有舊每相宴語或
連日夜世民欲起義恐父不從乃因寂闕說寂先以
晉陽宮人侍淵飲酒酣寂從容言曰二郎陰養士馬
欲舉大事正爲寂以宮人侍公恐事覺并誅耳淵曰
事已如此當復奈何正須從之耳及起兵晉陽劉文
靜勸淵與突厥相結資其士馬以益兵勢淵自爲手
啟甲辭厚禮遺始畢可汗始畢得啟云苟唐公自爲
天子我嘗以兵馬助之遣其柱國康鞘利送馬于匹
爲互市許發兵送淵入關淵拜受書遣文靜至突厥
請兵與之約曰言入長安民衆土地入唐公金圭繒
帛歸突厥始畢大喜胡氏曰隋煬弑父殺兄李淵肇
其大逆不道之罪舉兵討之世民不必用宮人侍
以劫父也不必詐爲救書發民以鼓怨也不必稱臣
突厥也不必尊江都而立代王也不必推獎李密也
收召豪傑分擊二京義聲既震天下歸唐其孰禦之
惜乎乘時舉事雖不旋踵成功而用智術違義理者
多矣

亂人倫納弟婦貽誚辰羸

君臣義不克終停婚失信

鄭公魏徵寢疾帝至其第指衡山公主欲以妻其子
叔玉徵薨帝自製碑文並為書石後有言徵自錄前
後諫辭以示起居郎褚遂良者上不悅乃罷叔玉尚
主並陪所撰碑顧氏曰停婚陪碑而君臣之義以絕
衡陽縣陪同仆

戰爭心無厭足跨海東征

高麗東部大人泉蓋蘇文手弒其王建武帝曰蓋蘇
文弒君不可不討欲自征高麗褚遂良曰高麗誠當

三綱敲十漸非投懷青雀

程伊川曰唐有天下如貞觀開元雖號治平然三綱
不正無君臣父子夫婦之倫其原皆始於太宗魏徵
上疏以為陛下志業比貞觀初漸不克終者凡十初
清淨寡欲今訪求珍怪一漸也初不輕營為今肆用
人力二漸也初役已以利物今遠君子四漸也初不貴
初親君子斥小人今褻小人遠君子四漸也初不貴

單同上卷二

三

列傳卷一

三

異物今玩好樵進五漸也初求士如渴今由心好惡
六漸也初無田獵之好今馳騁為樂七漸也初遇下
有禮今詰責細過入漸也初孜孜求治今長傲黷武
九漸也初撫寧戶口死不攜貳今徭役勞敝百姓不
帖十漸也初撫寧戶口死不攜貳今徭役勞敝百姓不
懷青雀註見下

廢承乾併魏泰國本幾傾

帝太子承乾喜聲色畋獵所為奢靡魏王泰多能有
寵潛有奪嫡之志太子畏其逼陰善刺客紇于承基
等謀殺之吏部尚書侯君集怨望以太子暗劣欲承
襲圖之因勸之反會承基坐事繫獄上變告太子謀
反帝面責承乾承乾曰臣為太子復何所求但為泰
所圖謀自安之術不逞之人遂教臣為不軌今若泰
為太子所謂落其度內也帝誅君集等廢承乾為庶
人太子既廢泰曰入侍奉帝許立為太子長孫無忌
固請立晉王治帝謂侍臣曰昨青雀投我懷云臣今
日始得為陛下子臣有一子臣死之日當為陛下殺
之傳位晉王朕甚憐之諫議大夫褚遂良曰陛下萬
歲後魏王據天下之重肯殺其愛子以授晉王哉今
必立魏王願先措置晉王始得安全上始悔曰汝身許
立晉王無忌曰謹奉詔上乃使治拜無忌曰汝身許

汝矣遂立治為太子謂侍臣曰我若立泰則承乾與
治皆不全治立則承乾與泰皆無恙矣乃降泰爵東
萊郡王幽之北苑青雀魏王
泰小字東萊今山東萊州府

唐高宗初倚任遂良無忌

太宗寢疾長孫無忌褚遂良受遺詔輔政謂太子曰
無忌遂良在汝無憂天下尋崩太子治即位是為高
宗以無忌為太尉遂良為吏部尚
書同三品遂良字登善錢塘人

納父妾貶耆舊漸不聰明

初太宗納故荊州都督武士護女立為才人太宗崩
帝拜為昭儀帝欲廢皇后王氏而立昭儀為后恐大
臣不從乃與昭儀幸長孫無忌第拜無忌寵姬子三
人皆為朝散大夫仍載金寶繒錦十車以賜無忌帝
因言皇后無子以諷之無忌對以他語帝與昭儀皆
不悅而罷後召無忌遂良等入內殿帝曰皇后無子
武昭儀有子今立為后何如遂良曰先帝崩崩無子
下手謂臣曰朕佳兒佳婦今如遂良曰先帝崩崩無子
廢也明日帝又言之遂良曰陛下必欲易皇后請擇
令族何必武氏武氏經事先帝衆所共知萬代之後

謂陛下為何如主臣今忤陛下意罪當死因置笏於殿階叩頭流血曰還陛下笏乞放歸田里帝大怒昭儀在簾中大言曰何不撲殺此獠無忌曰遂良受先朝顧命有罪不可加刑帝乃貶遂良為潭州都督尋改貶遠州刺史武氏又以無忌受重賞而不助已深怨之會人告太子洗馬韋季方罪敕許敬宗鞠之敬宗因誣季方欲與無忌謀反帝乃削其官封黔州安置韓瑗涕泣極諫曰陛下無故棄逐舊臣恐非國家福不聽潭州今湖廣長沙府黔州今大名府開州護音獲獠音聊

果然是雉兒懦不堪負荷

初太宗疑帝柔弱密謂長孫無忌曰雉奴懦恐不守社稷吳王恪英果類我我欲立之無忌固爭以為不可乃止

任中宮稱二聖背禮忘恩

武后名嬰性明敏涉獵文史帝每視事后垂簾於後政無大小皆預聞之大權悉歸中宮帝拱手而已中外謂之二聖武后母章氏夜夢兩日同排於太空而生后嬰音照

王皇后蕭淑妃二嫗骨醉

皇后王氏寵雖衰帝未有廢意也會武昭儀生女后憐而弄之后出昭儀潛扼殺之帝至昭儀陽歡笑發被視之女已死矣即驚啼問左右皆曰皇后適來此帝大怒曰后殺吾女昭儀因泣數其罪后無以自明帝乃廢后為庶人與淑妃蕭氏並囚於別院帝嘗念之問行至其所呼之王后泣對曰至尊若念疇昔使得再見日月幸甚帝曰朕即有處置武后聞之大怒遣人斷去手足投酒甕中曰令二嫗骨醉數日俱死又斬之

長髮尼權在手瘧氣吞聲

初帝為太子入侍太宗見武氏悅之太宗崩武氏出為尼忌日帝詣寺行香見之泣時淑妃有寵王后疾之后陰令長髮尼納之後宮欲以間淑妃之寵武氏亦屈身忍辱奉順帝意帝大寵幸排羣議而立之及得志專作威福帝動為所制不勝其忿會宦者王伏勝發其使道士郭行真出入禁中為厭禱事帝密召上官儀議之儀請廢之帝即命草詔左右奔告於后后遽詣帝自訴帝羞縮不忍乃曰我初無此心皆上官

儀教我於是后使許敬宗誣奏儀與伏勝殺之顧氏曰后以虺蜴之心豺狼之性一旦太阿在手女可殺子可殺皇后可殺而何有於李氏哉

唐中宗癸未年殘冬即位

高宗宏道元年癸未冬十二月帝崩太子哲即位是為中宗

武則天稱太后自主朝廷

初高宗上元元年帝稱天皇后稱天后後遺詔軍國大事有不決者兼取天后進止中宗立尊天后為皇太后政事咸取決焉後中宗復位上尊號曰則天大聖皇帝

甲申年二月間裴炎作禍

被雌龍生毒害貶做廬陵

中宗改元嗣聖元年正月立妃韋氏為皇后先是高宗疾甚夜詔裴炎受遺詔輔太子次年甲申二月中宗欲以后父元貞為侍中中書令裴炎固事宗怒曰我以天下與元貞何不可而惜侍中耶炎懼白太

后密謀廢立太后集百官於乾元殿勒兵宣令廢中宗為廬陵王遷於房州胡氏曰裴炎但知元貞與已分權不若倚后為重而不為唐室遠慮以啓革命屠戮之禍罪不止於廢君已也廬陵縣名屬吉安府

豫王旦順母情暫登龍辰

太后立高宗第八子豫王旦為皇帝居別殿不得有所預政事皆決於太后旦後為睿宗 豫唐州名今河南汝寧府

母居中立年號溷亂文明

睿宗二月改中宗嗣聖元年為文明元年九月太后臨朝復改文明為光宅元年


庚寅歲奪朝權稱周改號

庚寅七年太后改元天授九月侍御史傅遊藝上表請改國號曰周賜皇帝姓武氏擢遊藝為給事中於是百官宗戚百姓合六萬餘人俱上表如遊藝所請太后御則天樓赦天下以唐為周周為太后父士彘始封國也並改用周正建子上尊號曰聖神皇帝受尊號於萬象神宮旗幟尚赤改置社稷宗廟以武氏

祖配上帝尋自加越古之號
又自號天冊金輪大聖皇帝

賜君王姓武氏泯滅宗親

太后以豫王旦為皇嗣賜姓武氏先是太后遣將軍
邱神勣殺故太子賢於巴州潛謀革命稍除宗室瑯
邪王冲越王貞等密謀匡復與諸王往來納結未定
而冲先發遽起博州貞狼狽應之亦舉兵於豫州諸
王皆不敢發冲為門者所殺貞自殺太后遂大殺唐
宗室使周興按之收韓王元嘉魯王靈夔黃公譔等
迫使自殺霍王元軌江都王緒東莞公融范陽王靄
坐與二王通謀皆殺之又殺汝南王燁鄆陽公誼等
十二人徙紀王慎於巴州道卒八男相繼被誅又殺
鄭王傲等六人旋殺澤王上金許王素節誅其諸子
又殺豫章王亶南安王顛等十二人鞭殺故太子賢
之子安樂王光順又殺南安王潁禹公昭及宗室李
直李敞李然李勳李策李越李黯李立李英李志業
李知言李元貞唐之宗室於是殆盡其幼弱者亦流
嶺南瑯邪郡名故城在青州府諸城東南琅邪山
下越州名今紹興府博州今東昌府黃縣名屬登州
府江都縣名屬揚州府范陽今順天
府澤許皆州名南安縣名屬泉州府



天保

